



御批歷代通鑑輯覽卷之二十五

後漢

孝桓皇帝

子庚延熹三年春正月詔求故太尉李固後

初固自知不免遣三子歸鄉里幼子燮年十三姊文姬

為同郡趙伯英妻密與二兄基基字憲公茲字季公並為長吏聞固策免

並棄官亡歸巴漢謀豫匿燮託言還京師人不之覺有頃難作

州郡收基茲于郾城皆死獄中文姬乃告父門生王成

曰君執義先公有古人之節今委君以六尺孤李氏存

滅其在君矣成乃將燮乘江東下入徐州界燮姓名為

酒家傭而成賣卜于市各為異人陰相往來燮從受業

專精經學。積十餘年。梁冀既誅。大赦天下。求固後嗣。燮乃還鄉里。追行喪服。姊弟相見。悲感旁人。姊戒燮曰。吾家血食將絕。弟幸而得濟。宜杜絕眾人。勿妄往來。慎無一言加于梁氏。加梁氏。則連主上。禍重至矣。燮從其誨。後成卒。燮以禮葬之。每四節。爲設上賓之位。而祠焉。燮

爲議郎。擢河南尹。卒於位。

單超卒。劉友益書法。超宦者。書卒。病漢也。故削其官。

賜超東園祕器。棺中玉具。及葬。發五營。騎士將作大匠

起冢塋。其後四侯轉橫。天下爲之語曰。左回天。具獨坐。

徐卧虎。唐兩墮。章懷注。持兩端。而任意爲兩墮。皆競起第宅。以華侈相

尚。兄弟姻戚。宰州臨郡。辜較。集覽。辜。罪較。與權通。專也。言已自專之。他人取者輒

也。百姓與盜無異。虐徧天下。民不堪命。故多為盜賊焉。

左愴兄為河東太守。皮氏長趙岐恥之。即日棄官西歸。唐衡兄炫為京兆尹。收岐家屬宗親。陷以重法。盡殺之。岐逃難四方。自匿姓名。賣餅北海市中。孫嵩見而異之。載與俱歸。藏於複壁中。及諸唐死。遇赦乃敢出。趙岐字邠卿。京兆長陵人。初名嘉。字臺卿。後避難。故改名字。孫嵩字賓石。北海安邱人。

閏月。西羌寇張掖。段熲破降之。

先是。燒當等八種羌叛。寇隴右。護羌校尉段熲擊破之。

至是。餘眾復與燒何大豪寇張掖。晨薄熲軍。熲下馬大

戰。至日中。刀折矢盡。虜亦引退。熲追之。且鬪且行。晝夜

相攻。割肉食雪。四十餘日。遂至積石山。注見前。出塞二千

餘里。斬燒何大帥。降其餘眾而還。是年冬。羌圍允街。熲又破之。允街。漢縣

故城在今甘肅涼州府平番縣。允。音鉛。

夏五月。漢中山崩。

泰山賊殺都尉。以皇甫規為太守。討平之。

時泰山賊勞丙等復叛。其黨叔孫無忌攻殺都尉侯章。

遣中郎將宗資字叔都。南陽安眾人。討之。未服。規到官。廣設方略。

寇賊悉平。

辛丑四年。春。二月。武庫火。

夏四月。以劉矩字叔方。沛國蕭人。為太尉。黃瓊免。以矩代。

初。矩為雍邱令。以禮化民。民皆感悟。自革。有訟者。常引

之於前。提耳訓告。以為忿恚可忍。縣官不可入。使歸更

思。訟者感之。輒各罷去。

五月。有星孛於心。

六月地震岱山即泰山及博後漢縣故城在今山東泰安府泰安縣尤來山即徠山在泰安府東南裂。

徠山在泰安府東南裂。

秋七月減百官俸集覽賁本作貸音待從人求物也王侯半租賣關內

侯以下官。

九月以劉寵字榮祖東萊牟平人為司空。

寵嘗為會稽太守除煩苛禁非法郡中大治被徵有五

六老叟人齎百錢送寵曰山谷鄙生未嘗識郡朝郡廳事也

他守時吏發求民間至夜不絕民不得安自明府下車

以來狗不夜吠民不見吏年老遭值聖明今聞當見棄

去故自扶奉送寵曰吾政何能及公言邪勤苦父老為

人選一大錢受之。

冬諸羌復叛。徵段熲下獄。遣中郎將皇甫規擊破降之。

先是零吾羌與先零諸種寇三輔。至是復寇并涼。段熲

將湟中義從討之。涼州刺史郭閔貪共其功。稽固熲軍

使不得進。義從役久叛歸。閔歸罪於熲。熲坐徵下獄。輸

作左校。後西州吏民守關爲熲訟寃。會羌益熾。乃復以

臣生長邠岐。年五十九。皆爲郡吏。再更叛羌。豫籌其事。有誤中之言。願乞宥官。備單車一介之使。勞來三輔。宣

國威澤。以所習地形兵執。佐助諸軍。且臣觀郡將已數十年矣。力求猛敵。不如清平。勤明孫吳。未若奉法。前變

未遠。臣誠戚之。是以越職盡其區區。詔以皇甫規爲中郎將。監關西兵。擊

羌破之。明年春。沈氏羌寇張掖。酒泉。規發先零諸種羌。共討隴右。而道路隔絕。軍中大疫。死者十三四。

規親入庵廬。巡視將士。三軍感悅。東羌遂降。涼州復通。規條奏。牧守貪暴。殺降老不任職。倚恃權貴者。數人或

免或誅。羌人聞之。翕然反善。十萬餘口。皆詣規降。庵廬。庵草屋。廬寄舍也。

壬寅五年夏五月京師地震

冬十月以馮緄為車騎將軍討諸蠻降之

時長沙零陵漢縣今為湖南永州府治賊起攻桂陽後漢郡治郴今湖南郴州是

等郡遣御史中丞盛修討之不克艾縣漢縣故城在今江西南昌府甯

州賊遂焚燒長沙寇益陽漢縣今屬湖南長沙府零陵蠻亦叛至

是武陵蠻寇江陵南郡太守李肅棄城走主簿胡爽扣馬諫曰蠻夷

見郡無備故敢乘間而進明府為國大臣連城千里奈何委符守之重而為逃逋之人乎肅殺爽而走徵肅棄

市復爽門閭拜乃以太常馮緄討之先是所遣將帥宦

官多陷以折耗軍資往往抵罪緄請中常侍一人監軍

財費尚書朱穆奏緄以財自嫌失大臣節有詔勿劾緄

請前武陵太守應奉字世叔汝南南頓人與俱十一月至長沙賊

後漢桓皇帝

悉降。進擊武陵蠻夷，斬四千級，受降十餘萬。荊州平定，緄推功于奉，薦以為司隸校尉。而緄上書乞骸骨，不許。監軍使者張敞承宦官意，奏緄將婢二人，戎服自隨，又輒于江陵刻石紀功，請下吏案。尚書令黃雋議以為無罪，明年長沙賊復起，攻桂陽。太守陳奉破降之，緄遂坐免。

下皇甫規獄，論輸左校。

皇甫規持節還督鄉里，既無私惠，而多所舉奏，又惡絕宦官，不與交通。于是遂共誣規貨賂羣羌，令其文降，璽

書誚讓，規上疏自訟。

略曰：臣前奏李翁等五臣，支黨半國，交構豪門，競流謗議，云臣私報

諸羌，謝以錢貨，若臣以私財，則家無擔石，如物出于官則文簿易考，就臣愚惑，信如言者，前世尚遺匈奴以宮姬，鎮烏孫以公主，今臣但費千萬以懷叛羌，何罪之有。帝乃徵規還拜議郎，論功

當封，而徐璜左悺欲從規求貨，規終不答。璜等陷以前

事下吏官屬欲賦斂請謝規誓不聽遂論輸左校諸公及太學生張鳳等三百餘人詣闕訟之會赦歸家

癸卯

六年冬十月上校獵廣成

苑名在河南汝州西

遂至上林苑

陳蕃上疏諫曰安平之時遊畋宜有節況今有三空之厄哉田野空朝廷空倉庫空加以兵戎未戢四方離散是陛下焦心毀顏坐以待旦之時也豈宜揚旗耀武騁心輿馬之觀乎且時當種麥豈可勞民書奏不省

十一月以周景

字仲饗舒人榮之孫

為司空

劉寵免景代

時宦官方熾景與太尉楊秉上言內外吏職多非其人舊典中臣子弟不得居位請皆斥罷帝從之于是條奏牧守以下五十餘人或死或免天下肅然

以張奐爲度遼將軍。皇甫規爲使匈奴中郎將。

初。奐坐梁冀故吏。免官。禁錮。規薦之。前後七上。乃拜武威太守。至是。規復徵爲度遼將軍。到營數月。上書薦奐才略兼優。宜正元帥。自乞冗官。以爲奐副。從之。

尙書朱穆卒。

朱穆疾宦官恣橫。上疏曰。案漢故事。中常侍參選士人。建武以後。乃悉用宦者。自延平以來。浸益貴盛。權傾海內。寵貴無極。放濫驕溢。漁食百姓。臣以爲可悉罷省。更選海內清淳之士。明達國體者。以補其處。不納。後復口陳曰。臣聞漢家舊典。置侍中。中常侍。各一人。省尙書事。黃門侍郎一人。傳發書奏。皆用姓族。自和熹太后。以女

主稱制不接公卿。乃以闔人爲常侍。小黃門通命兩宮。

自此以來。權傾人主。窮困天下。宜皆罷遣。博選耆儒宿

德。與參政事。帝怒不應。穆伏不甯起。左右傳出。良久。乃

趨而去。自此中官數因事稱詔。詆毀之。穆素剛。憤懣發

疽卒。穆仕數十年。蔬食布衣。家無餘財。公卿共表穆立

節忠清。追贈益州太守。蔡邕與門人謚爲文忠先生。蔡邕字伯喈。陳留圉人。

甲辰

七年春二月。邠鄉章懷注。卽周承休侯國。承休注。見前。侯黃瓊卒。諡曰忠。

瓊卒。四方名士會葬者六七千人。初瓊教授于家。徐穉

從之。諮訪大義。及瓊貴。穉絕不復交。至是往弔。進爵哀

哭而去。

穉常于家。豫炙一鷄。以絮漬酒中。暴乾。以裹鷄。徑到家外。以水漬綿。使有酒氣。用斗米飯。白茅

爲藉。以鷄置前。醢酒畢。留謁去。不見喪主。人莫知者。諸名士曰。必徐孺子也。

黃瓊郭泰雖號爲賢者然
相尚聲氣嗽虛名者因而
爭附卽欲不及於禍能可

于是選能言者茅容字季偉。陳留人。輕騎追及爲沽酒市肉。穉

爲飲食容問國家事不答更問稼穡乃答之容還以語

諸人郭泰曰孺子爲人清潔高廉飢不可得食寒不可

得衣而爲季偉飲食此爲已知季偉之賢故也所以不

答國事者是其智可及其愚不可及也泰博學善談論

初遊洛陽符融

字偉明。陳留浚儀人。少師事李膺不仕終。

一見嗟異因以介

于河南尹李膺膺與爲友後歸鄉里諸儒送之河上車

數千兩膺惟與泰同舟而濟眾賓望之以爲神仙焉或

問范滂曰郭林宗何如人滂曰隱不違親貞不絕俗天

子不得臣諸侯不得友我不知其他泰舉有道不就或

勸之仕泰曰吾夜觀乾象晝察人事天之所廢不可支

也。吾將優游卒歲而已。然猶周旋京師。徐穉以書戒之。

曰。夫大木將顛。非一繩所維。何為栖栖不遑寧處。泰感

悟曰。敬拜斯言。以為師表。泰性明知人。好獎訓士類。因

以成名者甚眾。

茅容年四十餘。耕于野。與等輩避雨樹下。眾皆夷踞。容獨危坐。泰見而異之。因

請寓宿。旦日容殺鷄食母。餘半度置。自以草蔬與客同飯。泰曰。郭林宗猶減三牲之膳。以供賓客。而卿如此。乃

吾友也。勸令從學。鉅鹿孟敏。字叔達。荷甌墮地。不顧而去。泰見問之。曰。甌已破矣。視之何益。泰知其有分決。亦

勸令游學。遂知名當世。陳留仇香。字季智。至行純嘿。年四十。為蒲亭長。勸人生業。令子弟就學。賑恤窮寡。期年

大化。民有陳元。獨與母居。母請香告元。不孝。香到元家。為陳人倫孝行。譬以禍福之言。元感悟。卒為孝子。考賊

令王魚。署香為主簿。謂之曰。聞在蒲亭。陳元不罰而化。得無少鷹鷂之志耶。香曰。以為鷹鷂。不若鸞鳳。故不為

也。魚曰。枳棘非鸞鳳所集。百里非大賢之路。乃使香入太學。符融勸以交結。香曰。天子設太學。豈但使人游談

其中耶。泰就房謁之。嗟歎起拜牀下。曰。君泰之師。非泰之友也。陳國童子魏盼。請於泰曰。經師易遇。人師難逢。

度尙焚營雖以術御士出
于無可如何然較項羽奮
迫沈船頗為勝之

願結麗埽。秦許而善之。自餘或出
于屠沽卒伍。因秦獎進。竝以成名。

三月。隕石于鄂。漢縣。今屬陝西西安府。

夏五月。雨雹。

秋九月。荊州刺史度尙。度以官為氏。尙字博平。山陽湖陵人。擊桂陽艾縣賊

平之。

先是陳奉破桂陽賊李研。而餘黨卜陽。潘鴻等。逃入深

山。至是合艾縣賊復叛。尙募諸蠻夷進擊之。破其三區。

多獲珍寶。而士卒驕富。莫有鬪志。尙乃宣言兵少。未可

進。當須諸郡所發。悉至。乃并力攻之。申令軍中。恣聽射

獵。兵喜皆出。尙乃密使人焚其營。獵者還營。莫不涕泣。

尙人人慰勞。深自咎責。因曰。陽等財寶足富數世。諸卿

但不并力耳。所亡少少。何足介意。眾感憤踊。尚敕令秣馬蓐食。明旦徑赴賊屯。陽等自以深固。不復設備。吏士乘銳。遂破平之。尚出兵三年。羣寇悉平。封右鄉侯。

冬十月。帝如章陵。十二月。還宮。

時公卿貴戚。車騎萬計。徵求費役。不可勝極。護駕從事。

胡騰字子升。桂陽人。言天子無外。乘輿所幸。即為京師。臣請以

荊州刺史。比司隸校尉。臣自同都官從事。帝從之。自是

肅然。莫敢干擾。詔書多除人為郎。太尉楊秉上疏曰。太

微積星。名為郎位。太微宮五帝座後。聚二十五星。是為郎位。入奉宿衛。出牧

百姓。宜割不忍之恩。以斷求欲之路。于是乃止。

乙巳八年春正月。遣中常侍左悺之苦縣。本楚邑。漢置縣。唐曰真源。故城在今

河南歸德府鹿邑縣。祠老子。太康地記。苦縣有賴鄉祠。老子所生地也。賴一作厲。

丙申晦日食。

中常侍侯覽免。左悺自殺。貶具瑗爲都鄉侯。

侯覽弟參爲益州刺史。殘暴貪婪。累賊億計。楊秉奏檻車徵參于道自殺。秉因奏曰。臣按舊典。宦官本任給使省闈。而今執政操權。中常侍侯覽弟參。貪殘克惡。自取禍滅。覽知釁重。必有自疑之意。臣愚以爲覽宜急屏斥。送歸本郡。書奏尚書。召秉掾屬詰之曰。三公統外。御史察內。今越奏近官。經典漢制。何所依據。秉使對曰。春秋傳曰。除君之惡。惟力是視。鄧通懈慢。申屠嘉召詰責之。漢世故事。三公之職。無所不統。尚書不能詰。帝不得已。